

Na osnovu člana 12 Zakona o udruženjima i fondacijama Bosne i Hercegovine („Službeni glasnik BiH“, broj 32/01) i u skladu sa članom 44 Statuta Udruženja građana „Interkulturni susreti u Bosni i Hercegovini“, na Drugoj redovnoj sjednici Skupštine Udruženja građana „Interkulturni susreti u Bosni i Hercegovini“ održanoj 26.12.2009.godine u Sarajevu, Skupština donosi:

O D L U K U
o izmjenama i dopunama Statuta
Udruženja građana „Interkulturni susreti u Bosni i Hercegovini“

Član 1

Djelomično se mijenja član 3 Statuta u pogledu sjedišta Udruženja, tako da glasi:
„Sjedište Udruženja je u Sarajevu, ulica Nurudina Gackića 22.“ U ostalom dijelu član 3 ostaje neizmjenjen.

Član 2

U članu 6 dopunjene su djelatnosti navedene u tački 1 tako što se dodaje „i volontera“ i sada glasi:
„-organizovanje razmjene na državnom i međunarodnom nivou učenika i nastavnika osnovnih i srednjih škola i volontera radi razmjene iskustava, upoznavanja kultura, razvoja svijesti tolerancije“.

U ostalom dijelu član 6 ostaje neizmjenjen.

Član 3

Iza ciljeva Udruženja navedenih pod II dodaje se nova oblast pod III naziva „Organizacija Udruženja“. Iza člana 7 dodaju se novi članovi 8 koji glasi:

„Udruženje obavlja Statutom utvrđene ciljeve i djelatnosti kao jedinstvena organizaciona cjelina.“

i član 9 koji glasi:

„Za obavljanje određenih ciljeva i djelatnosti, u okviru registrovanih ciljeva i djelatnosti Udruženja, na pojedinim područjima BiH, mogu se osnivati odjeljenja, kao organizacione jedinice Udruženja.

Odjeljenja osnovana u skladu s odredbom prethodnog stava ovog člana, u obavljanju svoje djelatnosti nemaju samostalnih ovlaštenja i ne mogu imati svojstvo pravnog lica, a svoju djelatnost obavljaju u ime i za račun Udruženja.

Odluku o osnivanju odjeljenja i Pravilnik o radu odjeljenja donosi Upravni odbor Udruženja.“

Dosadašnji član 8 postaje član 10, a naredni članovi prate novi redoslijed. Dosadašnja oblast III postaje oblast IV, a sve naredne prate novi redoslijed.

Član 4

U dosadašnjem članu 8. iza stava 3 dodaje se stav 4 koji glasi:
„Odluku o prijemu članova donosi Upravni odbor Udruženja. Protiv odluke Upravnog odbora, u roku od 30 dana može se izjaviti prigovor Skupštini Udruženja, čija je odluka konačna.“
i stav 5 koji glasi.
„U Udruženju se vodi knjiga evidencije svih članova Udruženja.“

Član 5

Dosadašnji član 10 mijenja se i glasi: „Za članstvo u Udruženju može biti utvrđena odgovarajuća članarina. Visinu članarine, način i vrijeme plaćanja iste, posebnom odlukom određuje Upravni odbor po ovlastima Skupštine svake kalendarske godine.“

Dosadašnji članovi 11 i 12 se brišu.

Član 6

U dosadašnjem članu 13 iza tačke 5 se dodaje nova tačka 6 koja glasi:
„-da dobrovoljno prihvaćeno izvršavanje određenih aktivnosti u Udruženju vrše savjesno, odgovorno, blagovremeno i u interesu Udruženja i da o rezultatima istih blagovremeno izvještavaju organe Udruženja na način određen aktima Udruženja;“.

Dosadašnja tačka 6 postaje tačka 7 i ostaje neizmjenjena.

Član 7

U dosadašnjem članu 14., u tački 2 iza riječi „članarine“ dodaje se „u skladu sa Odlukom o plaćanju članarine Upravnog odbora;“.
Dosadašnja tačka 3 navedenog člana se briše.

Član 8

Iza dosadašnjeg člana 14 se dodaje novi član pod brojem 15 i glasi:

„Član Udruženja koji preuzme obavezu za vršenje ili izvršenje određenih aktivnosti, a tu obavezu ne izvrši ili je ne izvrši blagovremeno ili protivno interesima Udruženja, bez opravdanih razloga, može biti isključen iz članstva Udruženja.“

Odluku o isključenju iz članstva donosi Upravni odbor. Protiv odluke Upravnog odbora, u roku od 30 dana može se izjaviti prigovor Skupštini Udruženja, čija je odluka konačna.

~~član 15~~ Član Udruženja koji svojim radom ili aktivnostima pričini materijalnu štetu Udruženju dužan je tu štetu nadoknaditi, shodno pravilima obligacionog prava.“

Dosadašnji član 15 postaje član 16 i svi naredni članovi prate novi redoslijed.

Član 9

U dosadašnjem članu 15 briše se tačka 3 koja glasi „Nadzorni odbor“. U ostalom dijelu član ostaje neizmjenjen.

Član 10

Dosadašnji član 16 mijenja se i glasi:

„Skupština Udruženja je najviši organ Udruženja. Skupština Udruženja čini 17 članova Udruženja i to 7 osnivača Udruženja i 10 članova koje biraju svi ili barem nadpolovična većina svih članova Udruženja između kandidovanih članova na mandat od četiri godine.“

Član 11

U dosadašnjem članu 17 u stavu 2 u prvoj rečenici se brišu riječi „ili Nadzorni“. U ostalom dijelu član ostaje neizmjenjen.

Član 12

Dosadašnji član 18 se mijenja i glasi:

„Skupština punovažno odlučuje kada je sjednici prisutna nadpolovična većina članova Skupštine. Odluke se donose većinom prisutnih članova Skupštine udruženja. Za izbor organa, kao i usvajanje Statuta ili njegovih izmjena i dopuna, te statusnim promjenama Udruženja, potrebno je učešće dvotrećinske većine članova Skupštine.“

Član 13

U dosadašnjem članu 19 tačka 3 se mijenja i glasi: „izbor, imenovanje i razrješenje članova Upravnog odbora“.

Iza tačke 3 ovog člana dodaju se nova tačka 4 koja glasi:

„izbor, imenovanje i razrješenje Predsjednika Udruženja koji je ujedno i osoba ovlaštena za zastupanje i predstavljanje Udruženja“

Iza nove tačke 4 dodaju se nova tačka 5 koja glasi:

„razmatranje i usvajanje izvještaja i plana budućeg rada Udruženja koje pripreme Upravni odbor i Predsjednik Udruženja, kao i izvještaja o proteklom radu Udruženja i godišnje finansijske izvještaje o poslovanju Udruženja“

i nova tačka 6 koja glasi:

„kontroliše finansijsko poslovanje Udruženja, te razmatra i usvaja godišnje finansijske izvještaje“.

Dosadašnja tačka 4 ovog člana postaje tačka 7 i sve ostale slijede novi redoslijed.

Član 14

Dosadašnji član 20 mijenja se i glasi:

„Članovi Skupštine se biraju na mandat od 4 godine uz mogućnost reizbora. Mandat člana Skupštine može prestati i prije isteka vremena na koje je izabran i to:

- ostavkom
- opozivom ili zamjenom
- pod uvjetima propisanim Zakonom.

U slučajevima iz stava 1 ovoga člana, izbor novog člana se vrši u skladu sa Statutom i Poslovnikom o radu Skupštine Udruženja.“

Član 15

Dosadašnji član 21 mijenja se i glasi:

„Poslovnikom o radu Skupštine Udruženja uređuje se postupak i način sazivanja Skupštine, te rad sjednica, donošenje odluka, način kandidiranja, razrješenja i izbora tijela Skupštine i organa Udruženja.“

Član 16

U dosadašnjem članu 22 i za tačku 4 dodaje se nova tačka 5 koja glasi:

„-da vrše izbor, imenuju i razrješavaju dužnosti članove Upravnog odbora Udruženja i Predsjednika Udruženja koji je ujedno osoba koja zastupa i predstavlja Udruženje na način ureden Poslovnikom Skupštine Udruženja.“

U ostalom dijelu ovaj član ostaje neizmjenjen.

Član 17

Dosadašnji član 24 mijenja se i glasi:

„Predsjedavajućeg Skupštine Udruženja bira dvotrećinska većina članova Skupštine Udruženja između svojih članova na mandat od dvije godine. Predsjedavajući Skupštine Udruženja saziva i rukovodi radom sjednica Skupštine, priprema radni materijal Skupštine zajedno sa Upravnim odborom, te vrši i druge poslove za koje ga ovlaste Skupština i Upravni odbor.“

Član 18

Dosadašnji član 25 mijenja se i glasi:

„Upravni Odbor Udruženja čini 5 članova i to Predsjednik Upravnog odbora, te još 4 člana Upravnog odbora koje bira Skupština Udruženja iz reda članova Skupštine dvotrećinskom većinom članova Skupštine na mandat od dvije godine uz mogućnost reizbora. Za članove Upravnog odbora se prioritetno predlažu istaknuti redovni članovi Udruženja.

Upravni odbor Udruženja se sastaje barem 4 puta godišnje.“

Član 19

Dosadašnji član broj 27 se briše. Dosadašnji član 28 postaje član broj 27 i svi naredni slijede novi redoslijed.

Član 20

Dosadašnji član 28 se mijenja i glasi:

„Upravni odbor Udruženja obavlja sljedeće poslove:

1. priprema sjednice Skupštine;
2. priprema načrt Statuta i drugih općih akata koje donosi Skupština;
3. provodi politiku, zaključke i druge odluke koje je donijela Skupština;
4. vrši izbor, imenuje i razrješava dužnosti Podpredsjednika Upravnog odbora iz redova članova Upravnog odbora Udruženja;
5. odlučuje o raspolažanju imovinom i materijalnim sredstvima Udruženja;
6. izrađuje program rada Udruženja za svaku godinu na prijedlog Predsjednika Udruženja kog razmatra i usvaja Skupština Udruženja;
7. podosi godišnji ili periodični izvještaj o svom radu Skupštini Udruženja na usvajanje;
8. usvaja finansijski plan Udruženja, usvaja periodične obračune Udruženja i predlaže Skupštini Udruženja na usvajanje godišnji finansijski obračun Udruženja;
9. prati realizaciju finansijskog plana Udruženja i donosi odluke o upotrebi sredstava.;
10. učestvuje u prikupljanju sredstava za realizaciju programskih aktivnosti i ciljeva Udruženja;
11. odlučuje o zasnivanju i prestanku radnog odnosa zaposlenika Udruženja na određeno ili neodredeno vrijeme;

12. donosi odluku o osnivanju odjeljenja Udruženja, te Pravilnik o radu odjeljenja Udruženja;
13. imenuje predstavnike Udruženja u međunarodnim udruženjima;
14. donosi odluku o potpisivanju sporazuma o saradnji sa drugim domaćim ili stranim organizacijama;
15. donosi odluku o osnivanju i imenovanju operativnih tijela za djelovanje u određenoj oblasti programskih aktivnosti Udruženja;
16. obavlja i druge poslove predviđene Statutom i aktima Udruženja.“

Član 21

Iza dosadašnjeg člana 29 dodaje se novi član pod brojem 30 koji glasi:

„Upravni odbor Udruženja može obrazovati različite operativne organe za vršenje određenih zadataka iz programskih ciljeva i djelatnosti Udruženja. Upravni odbor je dužan pri obrazovanju drugih operativnih organa donijeti pravilnik o njihovom radu, te utvrditi nadležnosti, zadatke i odgovornosti istih.“

Dosadašnji član 30 postaje član broj 31 i svi naredni slijede novi redoslijed.

Član 22

Iza dosadašnjeg člana 29 dodaje se novi naslov „Predsjednik Udruženja“ te novi članovi Statuta:

-novi član pod brojem 30 koji glasi:

„Predsjednik Udruženja zastupa i predstavlja Udruženje u pravnom prometu u okviru registrovanih ciljeva i djelatnosti Udruženja.

Izbor, imenovanje i razrješavanje Predsjednika Udruženja vrši Skupština Udruženja dvotrecinskom većinom iz reda svojih članova na mandat od dvije godine uz mogućnost reizbora. Za Predsjednika Udruženja prioritetno se predlažu istaknuti članovi Udruženja, a izabran je onaj kandidat koji je dobio najveći broj glasova. Ako dva ili više kandidata za Predsjednika imaju isti broj glasova, izbor se vrši u drugom krugu.“

- novi član pod brojem 31 koji glasi:

„Predsjednik Udruženja u vršenju svoje funkcije ima sljedeća prava i dužnosti:

- zastupa i predstavlja Udruženje u pravnom prometu;
- odgovoran je za zakonitost i poslovanje Udruženja;
- nastupa u odnosima sa trećim stranama, javnim i privatnim;
- priprema budžet za Upravni odbor koji dostavlja Skupštini na razmatranje i usvajanje;
- priprema izvještaj o svom radu i aktivnostima Udruženja i podnosi Skupštini na razmatranje i usvajanje;
- održava stalne kontakte sa javnošću i promoviše ciljeve Udruženja;
- prati realizaciju finansijskog plana Udruženja;

- učestvuje u radu organa Udruženja;
- obavlja i druge poslove utvrđene ovim Statutom i odlukama Skupštine.

Predsjednik Udruženja za svoj rad je Skupštini Udruženja.“

Dosadašnji član 30 postaje član broj 32 i svi naredni članovi slijede novi redoslijed.

Član 23

Dosadašnji članovi pod brojevima 30, 31 i 32 pod zajedničkim naslovom „Nadzorni odbor“ brišu se. Sve dužnosti Nadzornog odbora prelaze na Skupštinu Udruženja.

Dosadašnji član 33 postaje član broj 30 i svi ostali prate novi redoslijed.

Član 24

Dosadašnji član 38 se briše. Dosadašnji član 39 postaje član broj 38 i svi naredni slijede novi redoslijed.

Član 25

Dosadašnji član 41 se briše. Dosadašnji član 42 postaje član broj 41 i svi naredni slijede novi redoslijed.

Član 26

Član 49. Statuta mijenja se i glasi:

Predsjednik Udruženja u okviru svojih ovlaštenja utvrđenih Zakonom i Statutom zastupa i predstavlja Udruženje u pravnom prometu.

U postupcima u kojima Udruženje učestvuje kao stranka radi ostvarivanja svojih prava, dužnosti i odgovornosti pred nadležnim organima. Predsjednik Udruženja može dati pismenu punomoć za zastupanje advokatu ili drugom stručnom licu.

Član 27

Iza dosadašnjeg člana 52 dodaje se novi član pod brojem 53 koji glasi:

„Udruženje se može pripojiti drugom udruženju.

Drugo udruženje ili organizacija se može pripojiti Udruženju.

Udruženje može izvršiti spajanje s drugim udruženjem ili organizacijom tako da takvim spajanjem nastane novo udruženje.

Odluku o pripajanju, spajanju i transformaciji donosi Skupština Udruženja dvotrećinskom većinom članova, na prijedlog Upravnog odbora. „

Dosadašnji član 53 postaje član pod brojem 54 i svi naredni slijede novi redoslijed.

Član 28

U dosadašnjem članu 53 mijenja se tačka 1 i sada glasi:

„-kada prestanu uvjeti za ostvarivanje ciljeva Udruženja. Udruženje prestaje sa radom odlukom donešenom od strane dvotrećinske većine članova Skupštine.“

U ostalom dijelu član ostaje neizmjenjen.

Član 29

Dosadašnji član 54 mijenja se glasi:

U slučaju donošenja odluke o prestanku rada Udruženja, Skupština donosi plan likvidacije Udruženja, kojim se utvrđuje raspored imovine, prava i obaveza Udruženja. Skupština imenuje likvidatora Udruženja, čija je dužnost da se stara o izvršavanju plana likvidacije i koji je ovlašten da zastupa Udruženje u postupku likvidacije i u postupku podnošenja zahtjeva da prijavu prestanka rada Udruženja nadležnim organima.

Imovina kod raspuštanja i prestanka rada Udruženja, nakon izmirenja zakonskih obaveza, dodijelit će se drugom udruženju koje obavlja iste ili slične statutarne djelatnosti, koje je imalo Udruženje, a na osnovu odluke Skupštine Udruženja.

Član 30

Usvajaju se sve izmjene i dopune Statuta Udruženja navedene u ovoj Odluci. Izmjene i dopune Statuta će biti objavljene na web stranici Udruženja nakon njenog uspostavljanja, a dostupna je za uvid članovima Udruženja i ostalim zainteresovanim na njihov zahtjev.

Član 31

Ova Odluka stupa na snagu danom donošenja.

Sarajevo, 26.12.2009.godine

Broj: 09/09

Predsjedavajući Skupštine
Udruženja građana „Interkulturni
susreti u Bosni i Hercegovini“

Adnan Čučuković
Adnan Čučuković